



ADMINISTRACIÓN LOCAL

PROVINCIAL

DEPUTACIÓN PROVINCIAL DA CORUÑA

Servizo de Acción Social, Cultural e Deportes. Sección de Educación, Cultura e Deportes

R.P.7380/2024.- Aprobación das bases do XVIII Premio "Raíña Lupa" de literatura infantil e xuvenil

XVIII Premio "Raíña Lupa" de literatura infantil e xuvenil

Coa vontade de fomentar a creatividade literaria dirixida ao mundo dos máis pequenos e de facer memoria desta personaxe de lenda vinculada ás terras de Compostela convócase o XVIII Premio "Raíña Lupa" de literatura infantil e xuvenil, de acordo coas seguintes

BASES

Primeira.-

Poderán participar todas as persoas, maiores de idade, que non fosen premiadas nos cinco anos anteriores a este e que presenten narracións en lingua galega, dirixidas ao público infantil e xuvenil.

As obras deberán ser inéditas, non premiadas en ningún outro certame, nin publicadas ou rexistradas, total ou parcialmente.

A orixinalidade da obra e a súa autoría xustificárase mediante unha declaración responsable manifestando ser a persoa autora e titular de todos os dereitos.

En consecuencia, a Deputación Provincial da Coruña non se fará responsable das posibles denuncias por plaxio ou eventualidade similar que poideran xurdir, recaendo na persoa participante afectada as accións legais que procedan e asumindo, se é o caso, as indemnizacións que poideran corresponder polos prexuízos ocasionados a particulares ou á organización.

As persoas participantes terán a obriga de comunicar á Deputación a concesión de calquera premio que obteña a obra presentada, no momento en que esta situación se producira, o que dará lugar á súa exclusión do premio.

Segunda.-

Establécense dous premios, dotados con **6.500 €** cada un deles, figurando incluídos nesta cantidade todos os impostos que lle sexan de aplicación, para cada unha das seguintes modalidades:

- INFANTIL: obras dirixidas especificamente ao público lector infantil.
- XUVENIL: obras dirixidas especificamente ao público lector xuvenil.

Cada obra unicamente poderá presentarse a unha das dúas categorías.

O premio non poderá concederse a título póstumo, sin prexuízo dos dereitos de sucesión que poidan exercerse se a persoa gañadora falecese despois da decisión do xurado.

Os premios poderán quedar desertos e ser concedidos con carácter ex aequo; neste caso, o seu importe repartirase proporcionalmente entre as persoas que resulten premiadas.

A Deputación, que publicará as obras premiadas, reservárase os dereitos de edición durante un prazo de dezoito meses, que se contará desde a data da concesión do premio, e entregará ás persoas gañadoras trinta exemplares das obras editadas.

Terceira.-

As obras serán de tema e extensión libres, observando as características propias da narrativa dirixida ao público infantil ou xuvenil, poderán incluír elementos ilustrativos, gráficos, etc., e deberán cumprir as seguintes especificacións: folio formato DIN A4, texto a dobre espazo, letra Times New Roman corpo 12 e deberá estar paxinado. En ningún caso o nome da persoa autora poderá aparecer no texto da obra.

A presentación realizarase, preferentemente, en formato dixital, por medio dun USB/CD que incluíra no exterior a seguinte identificación: XVIII Premio "Raíña Lupa", de literatura infantil e xuvenil, facendo constar se opta á modalidade infantil ou xuvenil, título da obra e lema ou pseudónimo; o tratamento de texto será Word, OpenOffice ou PDF.

No caso de optar pola presentación en papel, os orixinais serán enviados por duplicado, en exemplares separados, grampados ou encadernados.

A obra será presentada baixo o sistema de plica, polo que a obra será enviada achegada dun sobre á parte; no exterior do sobre figurará o título da obra e o lema ou pseudónimo da persoa que sexa a súa autora; no interior incluírase a documentación seguinte:

- copia do NIF
- enderezo, teléfono de contacto e correo electrónico.
- breve currículo.
- declaración responsable manifestando ser a persoa autora e titular de todos os dereitos.
- declaración expresa de que a obra é inédita e que non foi premiada, ata a data da súa presentación, en ningún outro certame ou premio.
- escrito de cesión dos dereitos de edición da obra (incluídos os de publicación, distribución e explotación) por un prazo de dezaioito meses desde a data de concesión do premio
- declaración de consentimento expreso para o tratamento dos datos persoais que constan na solicitude para a participación no *XVIII Premio "Raíña Lupa", de literatura infantil e xuvenil*, de conformidade co establecido na Lei Orgánica 3/2018, de 5 de decembro de Protección de Datos Persoais e garantía dos dereitos dixitais.

Cuarta.-

O prazo de presentación iniciarase o día seguinte ao da publicación do extracto da convocatoria deste premio no BOP da Coruña, a través da Base de Datos Nacional de Subvencións e rematará o día **30 de abril de 2024**.

Os orixinais serán enviados, a portes pagados, á Deputación da Coruña, Avda. Porto da Coruña 2, 15003 A Coruña, indicando no sobre *XVIII Premio "Raíña Lupa", de literatura infantil e xuvenil*.

Quinta.-

Para a lectura da totalidade das obras presentadas, será nomeada unha comisión lectora, que estará composta por persoas expertas no campo da literatura infantil e xuvenil en lingua galega; estas persoas valorarán (de 0 a 10 puntos) as obras presentadas e farán un informe xustificativo da súa valoración.

Pasarán á consideración do xurado un máximo de 10 obras tras o seguinte proceso en base ás valoracións da comisión lectora:

- pasa á selección final a obra máis valorada por cada unha das persoas da comisión
- ademais, pasan á selección final aquelas obras que teñan 7 puntos ou máis nos informes de valoración de cada unha das persoas da comisión
- se o número de obras resultantes é superior a 10, escolleranse as 10 obras con puntuación media máis alta.
- se, pola contra, o número de obras resultantes é inferior a 10, completarase a selección final ata un máximo de 10 coas obras que teñan a puntuación media máis alta, sempre que superen o 5 nesa puntuación media.

A relación das obras seleccionadas será dada a coñecer a través do taboleiro de anuncios da sede electrónica da Deputación (<https://sede.dacoruna.gal/sxc/gl/informacion/>).

Sexta.-

O xurado estará presidido pola persoa que ocupe a Presidencia da Deputación ou persoa en quen delegue e formarán parte del cinco persoas de recoñecido prestixio no ámbito da literatura infantil e xuvenil, nomeadas por ela.

As funcións de secretaría exerceraas a secretaria da Corporación, ou a funcionaria ou funcionario en quen delegue.

Para o nomeamento do xurado respectarase a presenza equilibrada de mulleres e homes, en cumprimento do disposto no Capítulo I, artigo 5.2d) do Decreto legislativo 2/2015, de 12 de febreiro, polo que se aproba o texto refundido das disposicións legais da Comunidade Autónoma de Galicia en materia de igualdade

As persoas que integren o xurado estarán sometidas ao deber de abstención nos casos sinalados no artigo 23 da Lei 40/2015, de 1 de outubro, de rexime xurídico do sector público.

A composición do xurado darase a coñecer, con anterioridade á súa reunión, no taboleiro de anuncios da sede electrónica da Deputación (<https://sede.dacoruna.gal/sxc/gl/informacion/>), co fin de que se poidan interpor, se for o caso, os recursos legais pertinentes.

Sétima.-

O xurado actuará en pleno, en sesión a ser posible única, sendo necesaria a asistencia da maioría simple dos seus membros. Para os efectos da validez da súa constitución aplicarase o disposto no art. 17 da Lei 40/2015, do 1 de outubro, de réxime xurídico do sector público.

As deliberacións serán secretas e delas redactarase a acta correspondente.

O xurado presentará a súa proposta á Presidencia da Deputación, que é o órgano competente para conceder o premio.

O fallo do xurado será inapelable; terá lugar no segundo semestre de 2024 e será dado a coñecer a través do taboleiro de anuncios da sede electrónica da Deputación (<https://sede.dacoruna.gal/sxc/gl/informacion/>); a Deputación resérvase o dereito a cambiar a data se é necesario.

Se hai finalista, a plica correspondente á obra poderá ser aberta pola persoa que exerza a secretaría do xurado co fin de que, se a persoa autora o permite, poida darse a coñecer o seu nome.

Oitava.-

Non se devolverán as obras presentadas non premiadas e a partir do día seguinte ao da decisión do xurado serán destruídas.

A presentación das obras supón a aceptación destas bases.

Novena.-

Os datos persoais obtidos neste procedemento serán tratados, na súa condición de responsable, pola Deputación da Coruña coa finalidade de levar a cabo a tramitación administrativa que derive da xestión deste procedemento. O tratamento dos datos baséase no cumprimento dunha misión de interese público. Con todo, determinados tratamentos poderán fundamentarse no consentimento das persoas interesadas.

Os datos serán comunicados ás administracións públicas no exercicio das súas competencias, cando sexa necesario para a tramitación e resolución dos seus procedementos ou por obriga legal.

As persoas interesadas poderán exercer os dereitos de acceso, rectificación, supresión, oposición, limitación ao tratamento e portabilidade dos datos a través da sede electrónica da Deputación da Coruña ou presencialmente nos lugares e rexistros establecidos na normativa reguladora do procedemento administrativo común.

Para facilitar o exercicio dos dereitos, a Deputación pon ao seu dispor un modelo de solicitude https://sede.dacoruna.gal/sxc/gl/procedimientosytramites/tramites/EjercicioDerechosLOPD_N

Para calquera outra dúbida poderá dirixirse ao Delegado de Protección de datos da Deputación a través do seguinte correo electrónico: delegadodeprotecciondedatos@dacoruna.gal

A Coruña, 26 de febreiro de 2024.

O presidente,

Valentín González Formoso

A secretaria,

Amparo Taboada Gil

2024/1366